

Jekabaara

Jamana



World Vision

Cikela ceman n'a musoman kunnafoniseben

a be bo kalo o kalo

Jamana baarada la BP: 2043 Bamako (Mali)

Joyoroba be CMDT bolo koori sorø la Afriki kono jinan

je 3nan

Dantigélikan

Dönnikelaw ka kuma don, cogoya saba de be adamaden bolo ka baara lankolon ke : ko keli ka kón a kewaati je, ko keli a kewaati temenéni ani ko kuntan keli. Ni a bora nin taabolo saba la, baara lankolon te adamaden bolo. Nka, nin bee la, bøne taasira kelenpe de be yen : o ye baarakébaliya ye. Adamaden ka balo waati bee kono, a ka kan ka a yera banban ko min fe, o de ye a joyorø sinsinni ye sigida kono. Joyorø be bee la. O de kanma nantankolon ba an bee tæra sigida kono, barisa maa o maa, ni e ye i ban ka i joyorø fa, i be i ka dijenatige ke joyorø fabagaw de wœssji here kan. O la, maa murumurunin be ke maa caman dahirime jinibagaw ye. O bena ni sigida kono here tilako jugu ye. O be laban ni heredese ye. O kanma, an kera Senekelaw ye wo, an kera bagangennaw ye wo, an kera bololabaaракelaw ye wo, hali ni an kera sebennikelaw de ye, walima baara suguya werew kebaga, an bee ka hamni an ka baara ketaw kako juman ye. Ni o kera dije be diya.

Tumani Yalam Sidibe



Méri joyorø an ka sigidaw kono

je 2 nan

Batakiw ka bø ofisi-iri la segu

je 12 nan

Nafaba be forosuma na cikela bolo

je 4nan


Kosafekunnafoni

je 2 nan

"Kalan be mœgø sœn hakili la, nka kunnafoni be mœgø bø kunpan na" Yerø Ulen Sidibe

Meri jɔyɔrɔ an ka sigidaw kɔnɔ

A be fɔ ko jamana nemaaw sugandili Akalafiliw bɛe la, meriw sugandi kalafiliw de ka surun jamanadenw bɛe la. Jamanakuntigi ka fanga be boli jamana fan bɛe kan, awa ale lasorobagaw te jamanadenw bɛe ye. Fen min ye depitew ye,



Hamidu Konate

olu ye jamanadenw ka maa sugandilenw de ye walasa k'u jɔyɔrɔ fa jamana forobabulon kɔnɔ. Depitew ka baara ye jamana marali sariya tataw de benkan dili ye jamanadenw bɛe tɔgɔ la. Depite ka fanga waati kuntaala fanba be ke Bamako de. Ni an yan magere meri la, an be taa a sɔrɔ ko ale de be jamanadenw dafe sigidaw kɔnɔ a

Kosafe-kunnafonni

"Lesori" kunnafoniseben kɔnɔ, an ye kunnafonni sɔrɔ yen, min ye an pagali kosse. O ye an misondiyu haali, ka da dɔkɔ kan.

A be tali ke kele fitine dalasali kan kela ni Salamale duguw ni nɔgɔn ce. Kela ni Salamale ye dugu fila ye minnu be Kangaba kafɔ kɔnɔ. Kulukɔra mara la.

Fitine min ye dugu fila ninnu denw ke ka maromafenw ta nɔgon kanma, tile 2 kuntaala kɔnɔ, ka maa fila (2) faga anि ka maa mugan ni kelen (21) sebekɔrɔ jogin, o ju bɔra falanin do de la dugu fila ninnu bee be min tigrya kan fo. Salamaleko do de tun taara ko a be maloforo bɔa kɔnɔ. Kelaka ce donmudə taara ko u be o bali forobɔ o la. Maa be fitine daminecogo lahala de don, nko maa te a kuncescogo ta dɔn.

Benkola kɔnɔ sorɔla dugu fila ninnu mogow ce, ka nɔgɔn lojaba maromafen bila kere fe, o ye alataanuko ye.

Ka bo "Lesori" kunnafoniseben

Boko 15157 kono
Marisikalo tile 4 san 2004

ka fanga waati bɛe. Ale de be a sugandibagaw ka adamadenya taabolo bɛe kalama. A be a dɔn sigida mako be fen min na walasa ka bɔnɔgɔla ni netaa sabati sigida jama bɛe kanma. Ka kalanso jɔ, ka dɔgotɔrɔso ni musojiginso jɔ, ka demisew nɔnajeyɔrɔ laben ani ka duguw ni nɔgɔnce siraw boli dabaliti. Ninnu n'u nɔgɔnna eaman werew de ye meriw ni u kɔrɔsigiw ka keta pininenw ye u ka sigidaw kɔnɔ. Ni kuma diyara ne da yere, ne be a fo ko dugutigi ka baaraw dugu kɔnɔ, o kelenw de ye meriw ka baara ye sigidaw kɔnɔ. Ni an ye jateminé ke, an be taa a sɔrɔ ko sigida kɔnɔmogow de ye nɔgɔn faale ni nɔgɔn geesew ye, cogoya si la u te taa ka nɔgɔn to. O de kanma, a ka kan sigida mɔgɔw ka u ka meriw sugandi ladiriya dakun na. O bɛe kɔfɛ fana, a man kan maa kelen si ka sɔrɔ sigida kɔnɔ min be a yere senbɔ sigida tigiyabaaraw la meri ka baara bolodalenw hukumu kɔnɔ. Tijé yere la, ni sigida kɔnɔmogow kera new ye, nɛbo were tena sɔrɔ u la meri kɔ. A dun be fɔ ko ni fen min ye n'e dɔn ka teme nɛbo kan, ni o ma ke a cibaga ye don dɔ, a ciliko kɔni be o kɔnɔ. Ni an dun ye a laje, desantalarizasontile in na, sigida kelen-kelen de be a ka netaa waleya feerew tige, hali ni a be dème jini o ko to laseli kanma ka bɔ jamana nemaaw ni bajumanketɔn wani sigida tungarankew yɔrɔ. O be a jira ko netaasira si te bɔ sanfɛ ka cun sigida kan. Nka, a be bɔ sigida de kɔnɔ, ka a dajira dèmebagaw la. O dun na, meri « binenkene » de be baara nafama ke de ! O kanma, meriw sugandili ka kan ka ke an bee feko ye, sigida kɔnɔmaa fen o fen si be a ta san 18 na ka yelen o ni san ce.

Jamana baarada tɔgɔ la ne ka foli be se aw bee ma.

Hamidu Konate
Jamana baarada nɛmaaw

Hakilisenekene

Mun ye ne kamanagan dijesosigi la ? Fen kelenpe. O ye ko baamunan ni kasange ce, maa si nata te fa. Awa, fen min kafisa o la o ye dije yere kunmineni ye hakilimaya kɔnɔ. O dɔronpe de be an fa ka dije kɔngɔ to an na !

Tumani Yalam Sidibe

naniyaw

Amadu Gani Kante ba ko ne ye ko :

Ni maa min ko :

Ala, bɛe ke fen ye

Tijé na,

Ala te bɛe ke fen ye

Barisa Ala ma bɛe da

Kefenyé kanma.

Nka siga te min na,

Ala be e ke fen ye !

Ni maa min ko :

Ala, bɛe mako sa

Tijé na,

Ala te bɛe mako sa

Barisa Ala ma bɛe da

Makosa kanma.

Nka, siga te min na,

Ala be e mako sa !

naniya numan

Ani naniya jugu

A bɛe nafa ni a bɔnɛ

Sɔrɔbaga ye u tigiw ye.

Danfan jugu te wa,

Ni maa min ye a dɔ dan

Ni a ma falen i nɛna.

A na falen i bɔkolo tile la.

O de kanma,

A be fɔ ko

Maa bɛe be i naniya bolo

Nɔntɛ

Dijé here ni a bɔnɛ
mabennen don dafenw bɛe ye.

Tumani Yalam Sidibe



Forosuma

Forosuma kun ye foro selekew danboli de ye. A selekew be sementiya ni pikew ye. A kafisa an ka seleke jojanw soro. Forosuma be a to foro kōnōhake bisigi be dōn. O bā to an be hakilinan soro baara ketaw taabolo ani musaka ketaw kan, fo ka se senefen siw hake ma. Forosuma be nōgoya dōn foro soro sankorotali la. A be ke sababu ye an ka a dōn baarakemin, minnu ka kan ka soro an bolokōro. Forosuma de be jatemeine bee sabati foro kun kan.

Forosuma de folo be ke tuma bee, ka kōn sunugunnagé donini ne ka a lase foro kōnō, ani foronogocé ni dugujalansenni, fo ka se bulukuli ni danni ma. Forosuma de be ke nin baara bee ne. O be a jira ko forosuma kewaati ye awirilikalo de ye, ka se mēkalo ma. O ye CMDT maraw kōnōna ta kewaati ye.

Forosuma keminew
metere 50 juru kelen
marito kelen pikew gengenni kanma
pike 8 (janya : metere 1,5 a kelen kelen). O pikew hake be ta tari kelen kelen bee kanma.

Forosuma kēcogo

Sabake ne jojanbo
Sabake ne selekebo (izoseli)
Kurubo (pilanseti)

Hali ni forosuma nafaw dōnnen don kosebe, a waleyali be bali waati caman ka da sababu ninnu kan :

Dabada dōw te forosuma jekulu kumben u ka foro kōnō. Waati dōw la, foro sumanen be labila foro kura sumabali kanma. Tuma dōw la pikew te turu foro dancew la sumani sēnfe. A ka ca a la misidabaw labaarali be pikew labin waati caman.

Dabada dōw te pikew laben u bolokōro ka kōn forosuma ne. O be ke sababu ye ka

balan don forosuma kewaati kuntaalala la. Foro sumanen kōrōw te sumā kokura ka soro a dancew lakodōn pikew si te u nōna belen. Cikela dōw be u tugu ka dō fara u ka foro kene hake kan, ka dō fara kene sumanen hake kan.

Koləsili : Walasa ka nōgoya don forosuma na, a ka kan nin taabolow ka lasabati.

ka kōn ka faamuyaw lase dabada nōmaaw ma forosuma nafaw kan. Baarasan damine waati, ka nōgonye ke ni dabadaw ye forosuma baaraw ani a labenbaaraw kan.

Walasa foro sumanen dancew kana tunu, a kafisa, taalen nefe, olu ka sementiya ni jiri turulen sirawye (baganin, bōtuw...)

An kana farati foro kene fanba sōrōli la tintin jigindaw la.

Cikela hakilima bee kōni be a ka foro kōnō hake jatew dōn.

Musa Kulibali

Zantigila B ZPA kintigi CMDT

Ka bō Soribugu

Soribugu ye dugu ye min be Kita kafo fe, Kayi mara la, Sebekōro sekiteri, Nafaji kōrō zayeri.

Soribugu tu tigebaga tun ye fula ye min tōgō tun ye ko Sori Jakite. A faatura san 1999 zanwenkalo tile 27 kā si to sanji 75 la. Kabini Soribugu sigira, a dugumaaw dēnna ni badra ni nōgōnfaamu ani kōtōnōgontala ye. O siratige la, san 2003 desanbutukalo la, Jekabaara kunnafoniseben nōmaayaso ni Nafaji kōrō Zayeri dugu 5 senekelaw bolo donna nōgon bolo kunnafoniw jēsenni ta fan fe. O nāsira la, Jekabaara nōmaayaso, nō ye Jamana baarada ye, benkanseben do bolonobilala o ni Soribugu "APC" I sebenkow nēnabōbaa Modibo Tarawele ni nōgon ce, min bā jira kōle ye Jekabaara ka lasigiden ye Nafaji kōrō Zayeri kōnō. O nōgonya sira fe, aw balimake Yusufu Fane ye tilefilataama ke Soribugu, kā ta san 2004 feburuyekalo tile 28 la, ka ta bila a tile 29 la. O senfe,

Modibo Tarawele kumana an ye u ka san 2002 ani 2003 baarasan kene senelenw hake ni u sōrōw kan. O tūma, a ye minnu fan ye, olu file : Bamananw bā f'u ka kuma dōla ko "Maa te kōgō ke maa were la, ka foronto ke i yere la."

Sanni n ka n da don Zayeri ka san 2002 ani 2003 ni 2004 baarasan kene senelenw hake n'u sōrōw hake la ka fo, n be folo an yerew ka dugu ta la, nō ye Soribugu ye.

Sanjiba nana Soribugu samiñe temenen, nka a ma ke sōrō san ye kosebe i nā fo san 2002 ani 2003 baarasan ta. Ka dā kan, san 2002 ani 2003 baarasan, Soribugu kōrisenew ka kene senelen mumē benna tari 581 ma, min sōrō mumē fana benna kōri tōni 766 ani kilo 360 ma. N'i ye nin jate in da san 2003 ani 2004 baarasan kene senelen hake n'a sōrōw kōrō, i bā ye ko danfaraba bū ni nōgon ce. Ka dā kan, san 2003 ani 2004 baarasan na, Soribugu kōrisenew ka kene senelen mumē benna tari 612 ma, min sōrō fana benna kōri tōni 636 ani kilo 360 ma. Ni maa min ye nin jatew da nōgon kōrō, i bā ye ko jiba ma bo san min nā, kō sōrōbonyana ka temē jibabōsan ta kan. O tuma, nin kera fan ye min ye anw Soribugukaw kōnōfili kosebe. Nōnté, an ka forow bee senena ka u je pewu-pewu, hali bin ma a kelen mine, kuma te ka a do bali ka sēnfe. O tuma, an bā jini Mali senekelaw bee lajelen fe, Mali kōnō, ani a kōkan, fo ka se Jamana were maaw ma minnu cesirilen be kōrisene fe, u ka an deme ni fērew ye, ani hakilina pumanw, walasa san 2003/2004 ta in nōgon kana anw Soribugukaw sōrō tugun.

Soribugu kōrisenew ka san 2 baarasan kunnafoni temenen kō sōrōko ta fan fe, nō tun ye san 2002/2003 ani san

2004 ye, Modibo Tarawele da sera u ka Zayeri yere ka san 2002/2003 ani 2003/2004 baarasan kene senelenw hake ni u sōrōw fana ma an ye.

Modibo Tarawele y'a jira ko san 2002/2003 baarasan na, Nafaji kōrō Zayeri ye kōri tari 928 sēnfe, min sōrō mumē benna kōri tōni 1 375 ani kilo 720 ma.

Min ye san 2003/2004 baarasan ta ye, o fana benna kōri tari 1 273 ma, min sōrō mumē benna kōri tōni 1 273 ani kilo 116 ma.

Ni maa min ye nin jate laje, i bā ye ko an yelena kene seneta la, ka bin sōrō la ni kōri tōni 102 ani kilo 604 ye Zayeri la.

Nin be a jira ko Nafaji kōrō Zayeri ma sōrō ke jinian san 2003/2004 baarasan in nā balo kunda ni kōri kunda. O-hukumu kōnō, kōrikō segesegelikela dōw nana an fe Soribugu ka bō Bamakō ni Kita, k'u bā fe ka an ka binni kun dōn. Olu kōni ma jaabi di folo. Nka cikelaw ka faamuyali la, sanji bonyali y'a sababu ye.

Kunnaфонi kuncé la, n be foli ke ka nesin Jekabaara nōmaayaso baarakela bee ma, ka dugawu ke, Ala ka samiñe nata in ke senekela cēma nā musoma bee lajelen ka sōrō san ye Mali kōnō, ani a kōkan.

Modibo Tarawele ka bō Soribugu
Nafaji kōrō Zayeri (ZAER) la
Jekabaara ka lasigiden don fana u ka
Zayeri (ZAER) la

Soribugu tariku

Soribugu ye dugu ye min be Kasaro komini fe. A ni yen ce ye kilometere 20 nəgən ye tilebinyanfan fe, a ni Bamako ce ye kilometere 65 ye kərənyanfan fe. Soribugu du hake be se du keme nəgən ma. Ni maa min bā fe ka taa Soribugu,

nā tigi be bō Bamako ka taa, i be teme dugu minnu na sirafe olu file : n'i bōra Bamako i be se Kati. N'i temenə yen na ka kene caman boli, ka na se Zandaramaw dagayorō ma Kati bōda la, i be teme olu la

ni metere 200 nəgən ye, i be se sira-fara fōlō min ma, kelen be taa Kolokani, kelen be taa Kita. O tuma, n'i bā fe ka taa Soribugu, min be i numanboyanfan fe, i be taa o fe. N'i taara o fe, i be se dugu fōlō min ma o ye Jago ye. N'i bōra yen, i be taa Diyo, ka bō yen, ka taa Jininna, ka bō yen, ka taa Negela. N'i bōra yen, i be se dugu min ma ba tigelen kō kulu belebeleba in kerefe, o ye Soribugu ye. A sigilen be Kita sira kininyanfan fe n'i be taa Kita.

Sori Jakite

An balimaw, nin ye Soribugu lasərō cogo ye n'i bē bō Bamako ka taa yen. Fen min ye Soribugu yere sigicogo ye, an da bēna se o ma aw ye.

Soribugu sigira san 1984 jaba san, min ma dogo Mali fan si fe. Soribugu dugu tu tigebaaw bōra min ? U bōrō Nafaji kōrō, o ye dugu ye min be Soribugu yere ni bayanfan ce ka digi tilebinyanfan kan. Jōn ni jōn ye Soribugu tu tige ? San 1984, Sori Jakite ni a ka bamananke Gelekōrō Adama Jara de ye Soribugu tu tige, Sori yere kelen ye buguda fila tu tige fōlō, minnu ye : 44 (Nafaji kura), ni Zanankōrō ye. A yā to Zanankōrō ka Soribugu sigiyorō kene ye, kā jira a sigijəgən w na ko a bā fe ka taa a sigi yen. A don, a ni maa min bēna taali kan, o kera gelekōrō Adama Jara de ye. Sanni Soribugu ka ke dugu ye, Sori nā ka Jarake ye ko caman ke, ka don da caman fe, ka bō da caman fe. Ka dā kan, dugu sigili te ko dəgəmanin ye. O temenēn kō, a yōrō sigifenw tun te adamaden fe hali dəənin. O bēz nā ta, Ala ka dēmē faralen fulake nā ka bamananke ka dəntaw kan, Soribugu kera dugu belebeleba ye bi, min kənəmaa hake be se maa ba damādō ma. Kā ta san 1984 la ka na se bi ma, san o san do fara

Soribugu sigibagaw kan, kā sababu ke Sori Jakite ka cesiri ye ka bini dugu sigi waati. N balimaw, an ka kumadonsow bā f'u ka kuma dō la ko : "jōfēn bēs ye dafēn ye", "wa ni maa min ma ban nali ma, o tigi te se ka ban taali ma". Sori Jakite kelen ka Soribugu sigi, san 15 o kō, a ye dijē to san 1999 zuwenkalo tile 27, ka a si to sanji 75 la. O tuma, fulake taara a da dugufin ni dugu bilen ce i nā fō nkerenmasa, a sara, n ka a ma malo dijēsosigi la tile kelen. Sori Jakite ye musow ni den caman to a kō, minnu be ka u sen da Sori Sen-dānō la ni hakili numanyaaraw waleyali ye u ni u sigijəgən w ce. O tuma, an be dugawu ke Sori Jakite ye halisa, Ala ka a dayorō sumaya, ka a ka dugu sigilen yiriwa, ani a ka denbaya.

Kələsili : An be aw ladənniya ko Sori Jakite fa jimala Jakite ye Soribugu sigiyorō in sigi ke fōlō ka kōn Sori yere bangenni ne ni sanji caman ye. Dōw yere ko Sori Jakite yere bangera yen. N ka u ka fō la, dugu in tun be Jimala Jakite ka sigi la waati min, ko a tun be wele ko Mali-fagadala. O de tun ye Soribugu tōgō fōlō ye kabini Sori Jakite ma bagen, jimala Jakite ni Jēgē Jakite fe, nōlu yā fa nā ba ye.

Seku Jakite
Soribugu dugutigi denkē
Ni Yusufu Fane de ye nin baara in kē

Kōriko nədənbaliya b'a fe ka balokogeləya lase Makənō komini jama ma

An ka bōko temenēn, an ye Madi T. Jalo ka bataki cilēn kōnōko fan dō lase aw ma, nō ye bagan folofolo ye u ka komini kōnō. I nā fō an ye a fō aw ye cogo min, an be na dō lase aw ma nin bōko in na. O be tali ke geleya werew la.

Kabini CMDT donna Kita mara la san 1998, la baara damine san 1999. A ye duguw sigi k'u ke "AW" ye, ka Makənō ke a ta sekiteri ye, minnu dugu ye : Jabala, Niomafye, Kari, Sanasaba, Jekila, Lafiyabugu, Makənō-Faraba, Sanfara, Banakura, Solo-Bəlonkəton, Balamasa ani Sini. Nin dugu minnu bēs "AW" daw sekereteriw bēs be nəgonyeba fila ke Makənō kalo kelen kōnō ka baaraw taabolow sigi senkan. Nin jekulu mana baara boloda cogo min, a ka cā la, CMDT tā bō o la.

O temenēn kō, an yā jekulu tōgō da ko komite. O kōfē, CMDT tilala kā ke Zayeri (ZAER) ye.

O jekulu tilala ka baarada dō sigi senkan, ka dā kan, i mana ke baarakela

ye cogo o cogo, fō i ka i kōfile i ka baaranō la. Sabu, an ka kumadonsow bā fō u ka kuma dō la ko : "jamatigi furuba ka jama te dafa abada".

O hukumu kōnō, jekulu in ye jō caman san ka bila u ka balomarajigine kōnō min nafolo hake be sefawari dōrōme ba bi wōrō (60 000) ma. Zayeri (ZAER) tōn nali kera sababu ye ka balo sannifeere nəgoya Makənō sekiteri la, kā ta san 2003 la, ka na se san 2004 ma. O tuma sanni n ka n ka kuma kuncé, n be wele bila Makənō komini sənəkəla ce ni muso bēs ma, kōrisēne ye tījē ye, a be nafa caman lase an ma, n ka ni an tun sera ka a ni bolosene ke nəgōn fe, o tun be belebeleba fara an ka yiriwali kan kōsēbē. Sabu, du, jamana ani dugu bolontan kōnōmaaw te nəgōn lamen ka nəgōn faamu, kā ben ko kelen kan abada. Ka dā kan, wari mana caya i bolo cogo o cogo, ni balo te i bolo, i be laban ka i ka wari ta ka balotigi segerē. O tuma, min ka di an bee la, an ka kōri sēnē, ka

balō fana sebekōrō sēnē. O temenēn kō, n be wele bila Maliden ce ni muso bēs lajēlen ma, ni aw be fēn o fēn ke sigijəgənya kōnō, here ni here tana, a' ye ke kelen ye ka baaraw boloda nəgōn fe sigi-kafo kōnō ani kotojəgəntala kōnō. Sabu, an ka māa kərōw ko o be karatabugu mēn si la.

O temenēn kō, an ka kalan ke an haminanko ye. Ka dā kan, kalan be sira caman jira adamaden la. Ni maa o ma ye a cesiri jekabaara kalanni fe, a be fēn caman sigi bō i la. An ka kumadonsow ko : "ko fēn saba be adamaden la, ni i ye olu dogo, i be sa ka i jēnāma to". Olu ye : Bana jugu, muso jugu, ani segen jugu ye.

Madi Tumani Jalo ni
dōw ko Wuye, ka
Bə Birigo Makənō Jekabaara
feerebaa don

Kələsili : aw be Madi Tumani Jalo ka bataki kōnōkunnafonni laban sōrō bōko nata kōnō.

Dijne mankene

An be jamana min kono no ye Mali ye, aa, an bee lajelen ni sewa ani nisondiya ka kan haali ka masoro, Ala ye here ke an ye a ma min ke jamana caman ye. Jiriforow be an bolo ; forobaw, soforow ani turufenforow be an bara fan bee. Fen min ye jibolidaw ye, o jenamaw be an bolo, i na a fo sankarani ; bajie ni bawulen ; jolibai ni ba senegali... awa jegew ni maanafafen caman were be o jiw kono. Fen min ye kungodabaw ye, an bolu soro jamana fan bee (Nenendugu ; Belledugu ; Sendugu ; Jedugu fo Menaka, ka se Ansongo cew ma. Fen min ye dugujukoro nafafenye, an ka jamana lakodennen don ni sanudamantigiya ye. A be se ka ke, ne da ma se fen were minnu ma nafafen na an ka jamana kono, o de ka ca haali ni ne da sera minnu ma ye.

Nka nin hereba in bee cer, fen kelenpe min ye ne dabali ban, o de ye ko desenyerekoro de

tigilamogow ka ca ni senyerekorow ye an bara yan. O man kan barisa o be a jira ko an bolokoro nafafen kofolen ninnu

labaaralen te a jema yero bee. Walasa an ka o faamu, an kan senfa ka don an ka galoduguw sugubaw kono. A ka ca la, n'i ye malokise toni tan soro feereda o feereda la, i ba soro jamana were malokise de yo fanba ye. Sumanw be o cogo la, fo ka se sukarow ni fen werew ma, minnu bee dilanyorow ni u bayelemadaw be an bara yan. Fen min ye malo ye, o seneyoro be an ka jamana fan bee, a falakoneta na gerekanta.

Nin bee de kanma, ne be son bamananw ka kuma koro in tinetigiya ma an ka jamana kono. "Dijne man kene !" Ne ma a fo ko baarabaliya ye nin kabako in kun ye ka fara an ka jamanaden la. Nka, a be a jira ko an ka senekela fangama fanba kera donitalaw ye galoduguw kono, siga te a la senekedugukolow be kasi ko baaratigintanya be olu la de ! Misigenna lakodennen don kabi lawale la, ni nono falenni ye suman na, nka, ni o yere kera suman sanbaga ye wari je la, aa, majumako de be kule kamangan gun kan de. O ma ji !

Tumani Yalam Sidibe

Kofoli

Ka da an bolokoro kunnafoniw caya kan nin kalo in na, an ma kene soro ka bagandumuni nafako jemukan labo boko in kono, an ye min kunnafoni soro Bugguni, CMDT mara la. Ni Ala sonna, boko nata kono aw bena o jemukan soro, a dafalen. O koson aw ka kan ka boko nata mamine ka da a kono kunnafoniw sicaya ni u nafa kan. O boko kelen in kono, aw bena jemukan soro « OGM » masibaw kan, ni o ye jofenw dabolo yelemani ye, ni neogen sindiw donni ye neogen na walasa ka nin kura di u ma. O ye an jepogen Siyaka Dunbiya ka lase ye.

Uko...

N dogonin furuso mine ni hakili ye, i ka don ko furu diya ta goya sa don de. I ma ye, n'i ce ye dijne here bee bonda lakiile d'i ma, don de goya be se ka na, awa a be se ko bee mine i la. I ka furuko to be to i yere n'i hakili deronpe bolo.

Bintu Sidibe
Birikokaw ka konomuso

Mandiya fara mangoya kan, nin si ma ne hakili tije. Fen kelenpe min ye ne dabali ban dijesosigiko in na, o de ye ko maa si nonabilabali te. Bee bi tile ke i na fo i neogen te, ka soro ka dijne n'i joyer to a kabagaw bolo. Awa, olu b'u kun don a koro i na fo maa were m'u kono !

Soriba Benkali Sidibe
ka be Kaman (Kita)

Dijne kono, na be maa min hakili la badaa ko n be sa don de, a ka ca la o tigi te moneno a ka balo kono. Aw ma ye, dijne balo ye yeelen ye ka soro saya ye dibi ye.

O fen fila dun be neogen lotunu de.

Burake Sangare
ka be Sangarebugu (Kita)

Yaala jugu be "mogewulu" be kolo kan, nka na ma kolesi a be laban a tegu tijeni ma. Yaala bennen te muso la.

Umu Sangare
Mali konomuso

Nin "u kow" farala neogen
kan Tumani Yalam Sidibe fe

Liminenco, lebubana

Bi bi in na, bana də be ka sankərəta Ban bara yan haali. O ye liminenpo ye. Ale be dankari cew ni musow bəe la. Awa a be bana yeləmata serew la. Liminenpo ye bana ye min taa-

furakeli ke ladalafurabəlaw fe, o ka a sərə an sera kənəya tigilamaaw ma, walasa ka bana yere sidən. O kərə te ko bolo dayərə te ladalafurabəlaw kan, a caman be yen minnu be bana



Ce ni muso si tangalen te banajugu ma, farikolo jeya kofe

maseere ,^o jijemanbə ye musow la, ani nəgəne-kofe-ji-salasalabə cew la. Liminenpo sərəcira jənjən kəni ye nəgə ye, hali ni dogonyərəbana dəw kələləw be se ka a di fana.

Walasa ka maaw bə kunpan na, an sera Aramata Jara ma, ni an ko a ma ko Ba Aramata. Ale ye musodəgətərə ye Sokoraji dəgətərəso la.

Ba Aramata ka fə la, liminenpo bəna ni kafonəgənya geleyaw ye dimi siratege la. Awa bana don min be muso ka garisəgəko rətiñə barisa a be nagasi don lawaji taabolo la ce ni muso bəe fan fe. I na a fə dogonyərəbana təw bəe, liminenpo furakeli ka kan ka jənini joona. Nka, min kafisa ni a bəe ye, o ye yəretanga siraw matarafali de ye ka bə a ma. Ka a jini sanga ni waati bəe ka i yere tanga a ma ni jelenya taabolo matarafali ye. Liminenpo bana be se ka dankari hali denmuso sifinninw la. O kanma an kera maakərəba ye wo, an kera denmisən ye wo, a kafisa ni an ye dogonyərə bana də la kelen kənbətə ye maa o maa la, an ka an senfa ni o tigi ye ka kəneyaso ma gen. Hali ni an be

bəe kafonəgənya kofe. Fen min ye fini-jukərəfini w falenfalen ni ye maaw ni nəgən cə, an ka o dabila. Awa, sanga ni waati bəe an ka an yere kələsi ani ka an ka maraməgəw kələsi. Aw ma a ye, bana caman furakəko be an kamagan bi, ka an dabali ban, ka an bolo ban, i be a sərə kunu i kərə, yerekələsinin tun be bana o baasi ka bə an na, kasərə an ma wulikajo yere ke.

Ne terike, ne terimus, a dən ko e farikolo ni i ka sarimisi bəe taabolo ye kelen ye : an be a kələsi ani ka nun-jibəbana ani npərəbana bali a la cogo min, sanga ni waati bəe, a kafisa an ka an yere farikolo ladon, ka a kisi maa-sibafenw ma.

Liminenpo ye bana jugu ye, barisa, jijemanbə min be a la, o bəna ni nəjənə de ye min sijənko jugu bəna ni joli ye dogonyərə la. O ye malo ni dimi ka nəgənkunben ye.

Kumakuncə la, a be jini bəe fe, maa si kana bana kənbətə ye a yere la ka a sigi ten. Bana sugu o sugu, ni a cunna an kan walima ni a damine taamaseereninw kənbəra an na, an ka wuli ka se dəgətərəso la.

"Banafurakə ye cəya ye, nka banakunben ye hakilimaya ye!"

Tumani Yalam Sidibe

Jiriba suma

An ka Mali in te bilako jamana ye. Hali nə ye təgə caman falenfalen a yere la, Mali be jamanaya la kabi san ba kelen nəgən. O de bə jira mun na Sunjatafanga mara ye Mali bilama yərə bəe lasərə : kərən ni tilebin ; bəjanfan ani kənəka. Nkb nə ta bəe, fangatigiba lakodənnən bəe nə ka yeelenbəmuso kera : Sasuma Berete ni Sogolon Sima (Sunjata baw) ; Korriyan Nana Magasuba (Masa Ulen jigilamuso) ; Babenba Trawele bələ-mamuso cəmafəralata ; Hawa Keyita, Mali depitemuso fələ ; Mariyamu Trawele (peresidan Modibo Modibo Keyita furumuso) ; Mariyamu Sisəkə (peresidan Musa Trawele furumuso) ; Adamu Ba Konare (peresidan Alifa Umaru Konare furumuso) ; Ləbə

Trawele (peresidan Amadu Tumani Ture furumuso) ; Naren Mama Keyita (Manden musoñemaa) ; Nakani Trawele (Kumi Jose furumuso) ; Tapama Jənəpo (Jənə sarakaden). Ninnu n'u nəgənna caman. O bə jira ko musow ni jiriba suma kərəsigi ka kan haali. Ce ja yera yərə o yərə, muso de yə kene furan a nəma. Awa, nin muso kelen kelen bəe de y'u jə musoya joyorə bərəbərə la walasa ka mənə bə cew dəfə, ka sərə u m'u yere sanga cəya ma.

Ndayi Baba Jalo ka kuma te wa : "ni muso yə jə musoya kərə, a be cew dan. Nka, nə yere ye cəya fari da, bələkoro bə kənə !".

Tumani Yalam Sidibe

Bamakə walejuguw

An bëna kuma aw ye maajuguwale Amín kan nin yoro in na, an ye o bo Mali kunnafonisebenba de kono, ni o ye "Lesori" ye. A boko 1515, san 2004 marisikalo tile 2 Kunnafoni don min kera Ngolonina kin kono, Bamakə.

Awa a be tali ke denmisen cema do de fagacogo jugu la walejugu tigilamögow fe, kà si to san 8 na.

Denmisen in tøgø ye ko Solomani Kamara. Den ladamunen tun don, barisa, lakoliso waatiw kofe, a tun be u ka du kono sanga ni waati be. A ka nbedafeboli tun man ca. A tun be lakoli kalanso 2nan de la. Nka, feburuyekalo tile 2 temenen, seliba duguje, here bee yelemana ka ke bøne ye Solomani Kamara bangebagaw bolo. Mun na ? O de bëna jefø aw ye nin yoro in na.

Sogomadafé, feburuyekalo tile 2, san 2004, Solomani ni a terikenin do tun be ntolatan na bølønfe. Nka, waatinin kelen, Solomani Kamara, nematununa. A terikenin ka jate ma bo o kan, barisa denmisen werew tun nana, o ni minnu temena ntolatan fe. Kow tora o cogo de la fo ka taa selifana se. I komi selidon duguseje tun don, Solomani Kamara bangebagaw kamanaganna. U hakili tun be a la ko a be ka teliwison laje dafedu do kono. U ye a tulonkejøgon yere jininka, o ko u ma ko a be kenema. Nka, wula tile jan sera, Solomani Kamara ma ye. Aa, o

waati, Solomani Kamara bangebagaw dusu ye kami-kami damine. U ye dafeduw bee ke u sennø ye, ka kin bølønwi a denmisenkafoyørøw bee ke sennø ye. Nka je si ma u ma Solomani Kamara ye. Don kera su la o cogo la. Nka sunøgo ka di ni di ye, a ma don Solomani fa ni a ba jena.

Duguse jelen Kamaralakaw sera kenzanbugu poliso la (arøndisman 3 nan) ka taa u den tununiko fo yen. U ma dan o ma, u ye ganseli caman ke Bamakə arajosow la. Hali tununiko in kunnafoniw jensenna kunnafonisebenw kono. Nka Solomani Kamara ma ye. Hali a kibaruyanin ma men. Aa, a ba Tenenba Jakite ni a fa Masira Kamara, ka fara dukønømøgø tøw kan, ani siginøgøn, bee jigelamisenyara. Feburuyekalo tile 21, kunjøgøn saba Solomani tunudon kofe, majumakoba ani jigelatigekoda ye u daga Kamarala du kono. Nin don in, du cew bee tun bora ka Bamakə kinw mine ni u kun ye Solomani jini na. O waati de la bozoke do nana don du kono. A ye musow danma de sørø yen. Bozoke ye musow jininka den tununen cogoya la ani fini masina min tun be a kanna a tunudon. Musow ma se ka a jaabi ham fe. U sera ni bozoke ye Solomani benke ma. Bozoke ye i dantige a ye ko ni i ye ale selen ye yan, o kun ye de ka a fo u ye ko ale mønniketø bora denmisen su do kan

babolo fe, ale dun be ka Kamaralakaw ka dentunuko ganseliw lamen arajosow la, a be waati jan bo.

Solomani Kamara benke kumana Solomani kan ani donfini min tun be a la a tunudon. O jeføli senfe, bozoke ye a døn ko siga kelen te a la, ko ale bora den min su kan babolo fe, ko o ye Solomani ye.

A ye a jini benke in fe o ka da ale kan u ka taa densu in laje. Sirafe, bozoke ye ladilikan caman di benke in ma, walasa ka a dusu lamin fen kørø a bëna taa min ye. U selen bada la, u donna kurunnin do kono ka babolo magen. U føløla ka fen følø minnu ye, o kera Solomani ka finiw ye. Benke ko ko olu ye Solomani ta ye. Søønin, u jew dara Solomani su kan. A kantigelen tun don, a be kunjøgøn kelen bo ; a kono tun faralen don ka a kønøfenw bee bo a kono ; a kunberenkuru ni a bolo (numanfetaw) fana tun tigelen don.

Den in yecogo bee be a jira ko a fagara ladalasira do de sønniw kosøn. Nka, a kera jøn fe ? Ninnu køni ye jininkaliw ye Kamaralakaw ni Ngolonina kin sigibagaw bee be ka minnu jaabi makønøn ka bo polisiw yøø, arøndisman sabanan na Bamakə.

Aa, Bamakə, ninjuguya bee jøgønbenyøø !

Tumani Yalam Sidibe

Ka bo ñara

Geleyaba be baganjuraw kan u ka baganw temesirako la.

Ni yà laje, an ka jamana sinsinbere ye fen damadø ye, minnu ye : sene, mønni, baganmara, bololabaara ani jago misennin ye. Ninnu ye fenw ye an ka kan kàn hakili to minnu na kosebø. Ka dà kan, u kebagaw be fa ni ba la jamana jøli sira kan.

Nka san waati døw bø la, i nà fo samiñe ni kawule, baganjuraw ka baganw temesira te sørø lafiya la abada, fo Senekelaw ka degun. Kerenkerennenya la, misijura minnu be

taa misiw san kørøyanfanfe ka taa n'u ye Bamakə. Goferenama ko misiw kana taama gutøron kan ka bo kørøn fe ka teme ka taa Bamakə, dugumasira juman te yen, jago te se ka dabila, baganw temetø be maaw ka senefenw bee tijø foro kono. O tuma, an bø ke cogodi ? Nin bee kø, nowanburukalo temenen san 2003, misijuraw temetø n'u ka misiw ye, u donna senekela do ka foro la sufø sangan 2 nan , ka taa a ka suman tila bee tijø. I kà døn o køni ye fen ye min ma jø.

Sabu, ni forotigi ma taa u sørø a ka foro la, o be i nà fo kungokønøwaraw temetø kelen k'i ka foro tijø, kuma føyøø tå la dimi-lamine kø.

O tuma, ne Siyaka Tarawele be wele bila n balima senekela ce ni muso bee ma, sirako ye tijø ye, nka an ka sariyaw labato bagansirako in na. O temenen kø, jamana nemaaaw fana kà døn ko ka bo kørønfe, ka na Bamakə, kò sirako labenni y'u ka ci keta ye.

Siyaka L. Tarawele
Ka bo ñara Segu mara la,
Kønødimini sekiteri
A to be je 12 nan kan

Bako-Jikoroni

Denfa kera a yere woloden si san 3 ka laharataa sababu ye

An ka farafinnna du caman kənə, Adenmisənw ka josariyako matarafalen tə kosebə. Hali n'a matarafalen kera, a bə waleya forokonənaw na baarakə waati, walima jiriforow la, ani gosilibusan kərə. Tuma dəw la, denmisenw bə mine k'u ke jənw ye, walima ka taa n'u ye kəleyərə la. Lawulinkamagosili ni joginni kera Mohamedi Pileya Ba ka saya sababu ye, min si tun bə san 3 la, Bako-Jikoroni Bamakə sigida 5 nan kin də.

Alamisadon, zanwuyekalo tile 8, san 2004, waati tan ni naani nan na, Mohamedi Pileya Ba n'a woloba bəra jəgənfə ka taa u siginəgən də ka du kənə ka sərə a wolofa Mamutu Pileyaba bə a ka baarakəyərə la. Sanga damadə, Mohamedi Pileya Ba jə dara a fa Mamutu Pileya Ba natə kan ka bə a ka baarakəyəyə la, a sir-anbagatə yə ba bolo bila ka boli ka taa u ka so walasa a fa kanə ye kə de-gun. Kabini fa in fana yə bolitə ye ka don du kənə, o y'i sennateliya ka don a nəfə, ka taa sərə a taalen bə a dogon negeñ kənə.

A fa Mumutu Pileya Ba taara Mohamedi Pileya Ba mine a dogoyərəla ka bə n'a ye kə gosili daaamine a kunkolo n'a kə la ni bolokuru ye. Sanga damadə, Mohamedi Pileya Ba serila ka bin duguma, joli bə ka bə a da n'a nun fe. A ma se ka wuli tugun, a dawolo tun cəcilen bə fila ye, a newolow bəe tun yelemalen bə. Mamutu yə den ye saya sira kan tuma min, a yere furumuso madamu Ba Ayisata Njai bolila kə bə taa a den bə bolola, o jə dara a wolodennin lasamalen kan duguma negeñda la, a ninakili jəlen cewu ! Mamutu ye

Mohamedi ta ka taa n'a ye u siginəgən də ka dəgətərəsə (kiliniki) la, walasa a ninakili bə se ka segin cogo min. Olu ye Mohamedi ye cogo min, u yə jini a somaaw fe u ka taa n'a ye Gabiriyəli Ture təgəla dəgətərəsə la. U selen yen, dəgətərə min yə laje, o yə da Melékenin in somaaw tulo kan ko Ala yə la baara ke. O kəlen, banbaatə məkə, bayanfan fe, nə ye Modibo Njai ye, ale ye ntolatan degekaraməgə kərə ye, a kunnafoni taara da o tulo kan. O y'i bila a waragolo la, ka taa a buranke mine ka taa n'a polosiso la. U selen yen, polosiw yə datugu yen fələ san-n'a ka segesegeli waati ce. Polosiw ye jininkali ke ka jəsin denfagala in ma, a ma se kə dalace a la cogoya si la. A ka kumaw senfe, a ya jira ko alamisadon, zanwuyekalo tile 8, san 2004, ale bətə a ka baarakəyərə la, denmisen dəw tun sigilen bə telefon-niso də dala min yərə man jan ale ka so la, kələ yə fa ye ko n'a mə hakili to a denke Mohamedi Pileya Ba la, kə n'a təpjəgənninw to jəgən fe, a sir-atigeto məbili də tun bə məjəngə dəənin, ni məbilibolila tun ma ke maa hakili sigilen ye. O kanma, ale tun bə fe ka den in bagabaga dəənin. Nkə ma a bila a hakili la hali dəənin ko a jumankətə bə bə juguman na. O temenən kə, jininkali jəsinna a yere furumuso ma. Nkə, o ka kuma ni a furucə ta ma taa jəgən fanfe. Ka də kan, o yə jira a ka kumaw la, ko kabini Mohamedi Pileya Ba yə fa natə ye ka bə a ka baarakəyərə la, a bolila kə taa a dogo walasa kə kisi degunni ma minnu bə to ka ke a la tuma caman a fa in fe. O Temenən kə, u masurunyamaa dəw ye muso

ka kuma tijetigiya, ko Mamutu Pileya Ba dənnen don u lamini naaw bəe fe ni a ka nijuguya ye. A kalo damadə ye nin ye, u masurunyamaa kelen in ka fə la, a ye tasuma da Mohamedi Pileya Ba təgə la kə ye dumuni ke u siginəgən də ka du kənə. Nin be fara a ka kelen kərə dəw kan.

Ka də kan, Mamutu Pileyaba ka suw bə jate, Mohamedi Pileya Ba balimake ni Mohamedi Pileya Ba yere, ka fara Mamutu Pileya Ba yere furumuso kan. A fə cogo la, Ala farala o kan, nəntə o tun bə a woloden Mohamedi Pileya Ba kən laharataa la. Kamasərə kə ye kafeminwəre walon o kun don də fo kə məjənkən. Ala farala o kan, o ka jogging da ma bonya kosebə.

Kunnafoniw yə jira cogo min, a ka karəgəleya walew ka ca a muso n'a denw na. O hukumu kənə denfagala in ye kumaw fə minnu ni tijə te jəgən fan fe. O kəlen, Komiseri Birama Sanogo min ka baara jəsinnen bə sariyako ma polisiso la, o ka yamaruya kənə, Ensipekiteri – de polisi diwisənnəri Seki Umaru Tarawele ye Mamutu Pileya Ba ka səbenw bəe labən, kə ko bila komini 5 nan kiiritigeso jəmaa ka bolo kan, kə jira kə ye lawulikama – gosili ni joginni ke fə nana laban a yere woloden ka saya la. Mamutu Pileyaba dira ku-ritigela ma tuma min, o yə yamaruya a ka taa a ka so kun na, maaw ma min dən.

An ye nin kunnafoni sərə kunnafoniseben (kabako) kənə. A bəko

332 nan, san 2004

zanwuyekalo tile 30.

Umaru Buware ka nəbila don.

A bayelemabaga bamankan na :

Yusufu Fane

Sonjenikela maasibaw

Nin ye wale ye min ye "Saheli wéri" dafemaaw kabakoya, feburuyekalo téménen tile 5. Saheli wéri ye Bamako suguba nimayoré dō ye, sigiyoré kelen julaninw ni dijne-taama-julaw ka feerekeyorow kafolen don yoré min.

Nin don in na, ka dakabannanmuso dō donto to butikiba dō kónó, kamalenin dō y'i belen a kerefe ka a ka jemeni ta a kun, ka a séró a ma bō a kalama. Muso donna butiki kónó, ka a séró kamalennin tun bē taayoréjini na ni muso ka jemeni ye. Nka kamalennin ma taasira séró, barisa yoré in dakolosila tun ye a keté ye ka muso ka jemeni ta a kun. Dakolosila ye kamalennin comi ni jemeni ye. A ye a diyagoya lasigi a dafe walasa a ka a dōn nsonya kasaara bē se hake min ma.

Muso ye minen caman jagolatige ke butiki kónó, ka baara tō to wari sarali ye butikitigi ye. Aa ! nin yoré in ka di ni o yoré ye. Ka bi muso ye i bolo bila a

kun ka a ye ko a ka jemeni tē yen, daga wulila kasoré sonkala te kene kan ! Muso ye a bolo fila da a kun butiki kónó ka kule.

A kulera fo a be sigisigi. A bē boli ka butiki dayanfan jini, ko a bē taa bolon fe, nka maaw bē a mine. Muso ye a ka fini foni ka o lafili, a ye a ka juloki miné a kanda ma, ka o fara paaan fo a duguma. A bē ka kule ka a fo ko "Ee maanu, ne taden tijéna koyi ! Ne ka furu sara dère ! Ne kóni ténan segin ne ce ka so tuguni koyi !" Maaw ye muso hakilisigi. U ye a jininka a kulekun na. A ko u ma ko : "Aw ma a ye, ne ce balimamuso ka furusiri de dōgōdalen bē. O kanma, ne ce ye sefawari dōrōmē 30 000 di ne ma sogomada in yere la, ko ne ka taa kónóminenw san. Aw a sababu de ye ne lase butiki in kónó dère, ka minen ninnu jagolatige". O waati la, maaw ye a fo a ye ko a ka a hakilisigi, ko a ka wari ma taa yoré jan. U ye nsonkenin wuli ka a jō kene kan o

waati la ni jemeni ye. Muso je da a ka jemeni kan, a ko ten ko "haa !!!"

A kera i na a fo i ye ji suma de bōn a kan. U ye jemeni dayelen ka taa a séró bafilabiye tanniduuru bē a kónó. Dakolosila ye a kanto nsonkenin ma o yoré de la ko : "i ma a ye, aw nsonw ka kasaara bē se ka maa lase yerefaga dakun min ma. A wari sojénen dun tē aw yere nafa. I ma a ye, nin de kanma a bē fo ko nson ba ma den wolo, barisa ale de bē tōw mako sa kasoré a tē a yere ta je !!"

U ye muso ka jemeni di a ma, kasoré ka jigin nsonkenin kan ni busan, bere ani tege sankisew ye. Butikitigi de kera sababu juman ye, nonté, u tun bē a daji fu. O de ye nsonkenin yoré bēs jolima mine jama na ka a kase polisiso la.

An bē don min na i ko bi, nsonkenin bē taasi la a ka wale jugu kan Bamako kasobon ba la.

Tumani Yalam Sidibe

Kunnafoniseben

Kbō Amadu Samake ani Amadu Kémogé jan Kulubali yoré kā jnesin Jekabaara cakeda ma.

AW ye Jekabaara kunnafoniseben minnu bila ka na, an y'u ye. U dafara, o diyara anw ye, an baw fo kosebe.

Sannifeere kónóna kibaruya min bōra Amadu Samake fe o file nin ye ; kunnofoniseben biduuru (50) nana, 14 sanna, a tō ye 36 ye. Feerelen wari hake benna dōrōmē 294 ma.

Hakilinan minnu bē Amadu Samake fe, Jekabaara kunnafonisebenko la, o file nin ye.

Ne bā fe kunnafti dōw ka ke a la, i nā fo balontan, politigi, AW baara segesegcogo, CMDT feereli kunnafti.

Sanifeere kónóna kibaruya minnu

bōra Amadu Kémogé jan Kulubali fe, o file nin ye. Kunnafoniseben bi naani 40 nana, 22 feerela, a tō ye 18.

Feerelen warihake : 462.

Hakilinan minnu bē Amadu Kémogé jan Kulubali fe Jekabaara kunnafonisebenko la, o file nin ye.

Ne bē a fe kunnafti dōw ka ke a

Jaabi

Amadu Samake ni Amadu Kémogé jan Kulubali, an ye aw ka bataki ye. A diyara an ye kosebe. Aw a nisondiyalen don fana barisa Jekabaara ye jetaa séró aw bara. Aw ka bataki kónó kunnafti be o sementiya haali. Fen min ye aw ka kunnafti jininenw ye Jekabaara kónó, ni Ala sónna an be an hakili to

la, i nā fo balonta, politigi, AW baara segesegcogo, CMDT feereli kunnafti, kunnafti werew.

Wari kécogo kunnafti, ani seben tōw kécogo aw kō ke bataki ye ye ka ci anw ma.

Kuma in bōra Amadu Samakeyoré, ka bō Buguni ani Amadu Kémogéjan Kulubali ka bō Kola komini na.

olu la boko nataw kónó.


Fen min ye Jekabaara wariw bila liko ye ani sannifeere kunnafti werew, ka se an ma, a ka ca a la aw bēna o latemecogo juman kunnafti séró a tē meen. Sanni ee, a jininen don aw ni Jekabaara feerebagu tōw bee fe, Mali fan bee, aw ka wariw lamara sanni an ka kibaruya lase aw ma.

Mamudu Sidibe
Jamana feerebolo baarada jemaa

Djiné jujonna ni numuya ye

Kabini Ala ye djiné da, a ye Kadamanew ni jinew da, ka dantafen da, gerekantaw ni jilataw. Nin-nu bëe b'u bolow n'u mako wërew penabë n'u ka feëre ye, Ala yëre ye min-

dogolen te maa si la, o ye bamananw ka kuma in ye, ko : « warabilen mana se nunfiye la cogo o cogo, a te se kà körce i nà fô adamadenw ». Nà fôra ko numuya te siya ye, ko bëe dama ka



Numuya ye Afriki sindi ye, kerenkerennenya la mali

nu d'u ma. O hukumu kònò, kabini Nanbila Iburayima nà furumuso Sara nà ka jènmuso Ajara tile la, Ala ye feërew dili damine adamadenw ma. Ka dà kan, Iburahima si tun be san 90 na tuma min, o yà sòrò a furumuso Sara si be san 80 na kasorò u ma den sòrò. O siratige la, Sara ye yamaruya di Iburahima ma kà ka a ka jènmuso Ajara ta furu la. Nka sanni o ce, Ala ye Jibirila ci Iburayima ma ni bolokolim-inenw ye, kà kecogo jefò a ye, kà kà yëre boloko. Kabini o don, numuya daminena yen.

O hukumu kònò, dònnibaaw ka fôla, numuya yera Nabila Iburayima la, wa numuw benbake don fana.

Fen min ye numuw ka baara fôlò ye kabini djiné dara, o ye bolokoli de ye. Min ye a baara misennin tòw ye, i nà fô jiribaara ni negebaara, olu ye keguyabaaraw de ye, bëe dama ka kan minnu Keli la bi maaw jena. Nka min

kan a baaraw keli la, nka bële Yelemani kà ke nege ye, n'u bâ fô ko gantugu, o baara kebagaw dònnen don an fe farafinna yan. Kerenkerennenya la, Mali kònò. Hali nà yà sòrò numuw dëgøyalen be maaw jena.

O hukumu kònò, walasa kà jira maaw la ko min be ka fô maaw fe numuw kunkan, kò ni tijé yorò ka jan Beledugu numuw bolo.

O koson, alamisadon, zanwuyekalo tile 7 san 2004, Beledugu numuw cew ni musow maa 500 ye jøgøn sòrò Fanafiye kòrò. O ye dugu ye min be Kanbila komini na, Kati kubeda la. A ni yen ce ye kilomètère 40 jøgøn ye kejekayanfan fe, Kolokanisira ni tilebin ce ni kilomètère 2 jøgøn ye.

Numuw ka lajëba in jemaaya tun be Mamutu Fane, ni Jaturu Fane bolo, minnu sigiyorò bennet be Kenna ni Cöribugu ma, Kolokani kubeda la.

O siratige la Jekabaara ka ciden dò tun be a kene ka, min tun ye aw bali-make Yusufu Fane ye. A ye minnu sòrò kene in kan, jininkaliw senfe minnu kera numu Jaturu Fane la, a' yòlu lamen.

Jaturu Fane ka fôla, kabini tubabuw ma na, numuw tun be gantu-ru ke.

Ganturu yëre ye mun ye ?

Ganturu ye numuw ka baara keta ye kabini lawele la. Walasa numuw tun ka nege sòrò k'u makow jne, u tun be taa kungo kònò, ka ntongan sen kò nønni ni kalakala ni finibu ye. Ni ganso tun be jø fôlò, a tun be jø jida de la. Fen min ye ganso yëre jøli baaraw waleyacogo ye, Jaturu Fane ka fôla, tana caman bâ la.

O be damine numuw yere la. Hali nà fôra k'i ye numu ye, nka n'i tana tijenen don, i nà fô ka bamananmuso kanu, walima fulamuso, ani ka si i fu-ruuso fe, ka taa n'i kobali ye ganso la, olu nà jøgønnaw be ganko tijé.

Fen min ye siya tò ye, i nà fô jeliw ni fulaw, olu tøgø yere te fô ganso kerefe, kuma te ka Magere a yorò la. Nò kera, gan te sòn cogoya si la.

Maa o maa sendonna gan donni nà datuguli la, olu si te ko fô ka taa ganko ban.

Fen min ye numumusow jøyørø ye ganso la, u be tobili ke ka taa di cew ma gansoda la, nka u ka baara man ca a la.

Gan yëre be don cogo di ?

Jaturu Fane ka fôla, ni numuw wulila ka taa gantukuyørø, n'u sera kungo fan o fan na, n'u yà dòn k'u be se ka baara ke yen, k'u ni jida kasurun, u be minenw bila yen, ka yorø juman do pini ganso be se ka jø min na. N'u ye yorø juman sòrò tuma min, u be gan-

A tø be ne 12 nan kan

je 11 nan to

so bögë baarali damine alamisadonya dö fe, walima karidonya dö fe. Nò baaraw banna, u be sörö ka negebele jinini damine. O bèle ye bøyorë fila ye. Dugujukorëta ni kénékanta. O Temenen kò, suguya fila don fana :

bögë nögëonna, negebele je kololo-bilenman don. Fen min ye bobele ye, o je finmanima don. N'i benna nò ye gantukuyorë, i te nege sörö abada. O tuma, n'u ye bèle sörö, u be jiriw jinini fana damine. O jiriw ye : siri, gelen, kantama ni dugura ye. Ninnu de bejeni k'u ke finfin ye walasa ka bèle in yeelen kà ke nege ye.

Numu Jaturu ka fo la hali bi, ni gan donna, a be se ka su 2 walima su 4 ke ka sörö a ma negebo jigin. O ye nà dalasumanyara. Nka nà dalateliyara, a te teme su 2 walima su saba kan.

Ni nin waati kofolen ninnu dafara tuma min, numuden be sörö ka ganso dayele kà bila fo ka nege suma. Nà su mana, u be sörö ka don dö boloda nege bëli kanma ganso kònò.

Kolosili : Joyorëbo be gantukunegé la adamadenya sira bee lajelen fe.

O Temenen kò, a be baara kà ke mako jeminenw caman ye, i nà fo jelen, muru, daba, miseli, fulume (mara-to), ani kolan ni balan. O Temenen kò, adamaden mako jefen werew be bo gantugunegé la, i nà fo sarabande nà nögënnaw caman werew.

Laadilikan : numu Jaturu Fane nà fa Mamutu Fane ye laadilikan caman fo numudenw ye kene in kan. U k'u ba jini numudenw bee lajelen fe, bee ka se i yere la, k'i yere tanga tanatiye ma. Sabu ni numuden yà yere tana tijë, o yà ka adamadenya bannen ye numuya ta fan fe. Nò dun kera, o be ke i nà fo maa min bëra a danbe nà bokolo la. O tuma, numuw k'u hakili t'u yere la, don ka jan, nka a sebali te.

Aw kàn ben san were gantugu kene kan ni Ala sonna a ma.

Yusufu Fane

An be Ala tanu, a yà sòn sanji nafama la san 2003 ni 2004 samiñe temenen. Halisa, an bâ deli samiñe nata in na, a kàn sòn sanji nafama

na. Ka dà kan, jamana si te diya ni sanji nafama ma na ka dunkafa sabati.

cogo si la. ka o sababu ke : kilo 600 tun be sörö tari min na, o ma caya jinan, fo nà tun kera angeretigw ye, o dun sörëbaga ma caya.

Tijë yere la, malo ma sörö Kònôdimini sekiteri la nò ye Tamani zoni ye.

Jurusara dun ye diyagoya ye. O la,



Maloforë te taa ji kò

Fen min ye san 2003 ni 2004 samiñe temenen ye, ne Siyaka Tarawele be an ka sekiteri kunnafoni da Malidenw tulo kan. Sabu, an ka kumadonsow bâ f'u ka kuma dà la, ko : « ni ji kera segi kònò, bee b'i bëda jini ».

Wa sanji fana mana na cogo o cogo, bee ka samiñe b'i ka foro kònò.

Tijë don, sanji nana an ka jamana fan tan ni naani bee lajelen na, söröw kera fan caman fe. Hali anw ka sekiteri, nò ye Kònôdimini sekiteri ye, sanji nana kosebe, bajì donna a je bee lajelen ma. Nka, bajì ma diya malow la fewu. Nontë, senefen tòw jenà. I nà fo : tiga, sajë, sunan, keninge, benen, fini ani kaba. Fen min ye malo ta fan ye, anw fe Kònôdimini sekiteri la yan, malow ye ji sörö kosebe, n kà ma den hali dëonin. Anw ka sekiteri la jinan, maa tun te se ka maa ka malo gosi a tigi kò, kà sababu ke a tun tena da nögën na

an bâ ke cogodi ?

Nka, Ala ka deme ke, min söröla a kò dinsi dàn ma, kà deli a ka sanji nafama dàn ma san nata la.

**Siyaka L. Tarawele jekabaara
Jensenbaa, ñara Segu**

Jekabaara

Labòlikuntigi Sében jekulu kuntigu

Tumani Yalam Sidibe
Sében jekulu

Yusufu Fane

Bakari Sangare

Usumani N Tarawele (CMDT)

Tumani Yalam Sidibe
nögënw kebaga

Yakuba Jara ko Kayi

Labénbaga ɔridinoteri la

Worokiyatu Sa
Baaraké nögënw

CMDT-World Wision - Ofisi Nizeri -

Ofisi iri - OHVN

Hake bëta : 11000

Batakisira : 2043

Nögëjurüsira : 229 62 89

Jamana baarada - Seki zayedti togola
sira - Hamudalayi kin - Bamako

je 12nan

Jekabaara bëko 222

awirilikalo san 2004